



Pija ko jān Getty Images ko

# ELMEN AN JETŌB MAROŅ (IM NAAJ) JIPAŅ EOK JERBAL IN KAREJAR

*Ijjiṭōn eo an priesthood eo n̄an jerbāl in karejar, em̄oj leḷok n̄an em̄ḡaan ro im kōrā ro jim̄ōr, ekūṭbuuj jim̄we eo n̄an bōk revelesōn.*

Kūr eo n̄an jerbāl in karejar im jerbāl im em̄ool iakwe Kāinwōt an Riḷom̄ḡor eo kar kōm̄ḡane maroŅ pen jet iien—eḷaptata n̄e ekoba pukōt ḷok ro jejjab lukkuun jeḷā kajjāeir. Elōn milien wāween ko n̄an jerbāl in karejar, jej kōḷmenḷokjen kōn ewi wāween ad maroŅ jeḷā wāwen ko rem̄ḡantata n̄an pukōt ḷok ro im em̄oj jitoŅ kōj n̄an pukōt ḷok.

Jejjab aikuj in kōḷmenḷokjen aitok kōnke kijejeto ko ad rem̄ool remaroŅ bōk tōl jān Jetōb Kwojarjar.

“Jerbāl in karejar eo aḡ ekwojarjar ej lewaj n̄an eok juon ikdeleel eo eorōk,” Sister Bonnie H. Cordon, Būreejtōn eo Eutieḡ an Douluḷ eo an JiroŅ ro ekar ba. “KomaroŅ kappukot ikdeleel in kōn lōke.”<sup>1</sup>

N̄e jej kappukot n̄an jerbāl āinwōt an kar Riḷom̄ḡor eo kōm̄ḡane, jemaroŅ bōk tōl jān ejja Jetōb eo ekar tōl

E. Menin ej m̄ool eḷaptata n̄e jerbāl ilo ijjiṭōn ko, āinwōt jerbāl in karejar, kar kōm̄ḡan jān ium̄win mālim eo an priesthood kii ko an bisop eo. Erkein jiljino iaan wāween ko n̄an jerbāl in karejar kōn Jetōb.

## Elmen Bōk Jetōb N̄e Ij Jerbāl in Karejar?

- **Kajjiṭōk kōn Tōl.** Jemedwōj Ilañ ekōḡaan bwe jen kōnono Ippān ilo jar. Jar ejjab kōm̄ḡan wōt bwe jen epaakeḷok wōt E, ak ej barāinwōt dāpij “kōjeraam̄ḡan ko me Anij ej m̄ōḡōḡō in letok bōṭaab rej pedped wōt ioon ad kajjiṭōki.”<sup>2</sup> “Ilo ad jar im kappukot n̄an meḷeḷe kōn būruweer,” Sister Cordon ekar ba, “Ij kallim̄ūr bwe Jemedwōj Ilañ enaaj tōl kōj im Jetōb eo An enaaj etal ipped.”<sup>3</sup>

- **Jab kōttar n̄an juon Im̄we.** Wōnṁaanl̄ok wōt. Kwōn “bōk koṅaam” (Katak im Bujen ko 58:27), im kwonaaj lo ke kijejeto ko aṁ remaron̄ tōli im kōlapl̄ok. “Wōnṁaanl̄ok wōt ilo jerbāl in karejar ko ad im jerbāl eo ej juon wāween aorōk n̄an bōk revelesōn,” Būreejtōn Dallin H. Oaks ekar ba, Rikakpilōklōk eo Kein Kajuon ilo Būreejtōnji eo Kein Kajuon. “Ilo ekkatak ko aō jen jeje ko rekwojarjar iaar kile bwe elōn iaan revelesōn ko n̄an ajri ro nejin Anij rej itok n̄e rej eṁakūtūt, ejjab n̄e rej jijōt likl̄ok ilo ṁoko im̄weir im kōttar an Irooj ba n̄an er buñtōn eo ṁokta n̄an bōke.”<sup>4</sup>

**Ewi wāween Aō Kile Im̄we Ko n̄an Jerbāl in Karejar?**

- **Bōk Naan In Rōjañ An Mormon.** Jejjab aikuj n̄an pād bajjōk elañne juon l̄omṁak ekar juon im̄we ak jaab. Ejjab n̄e ej pād ippād kii eo epidodo n̄an jeḷā an Mormon: N̄e ej lōñ juon l̄omṁak me ej im̄weik eok n̄an kōṁṁan em̄ṁan im n̄an tōmak ak n̄an jipañ ro jet tōmak ilo Krasit, kwojeḷā ke ej jen Anij (lale Moronai 7:16).
- **Jab Inepata kake.** “Wōnṁaanl̄ok wōt im keḷok n̄an ilowaan jikin aō eo im aō,” Elder Jeffrey R. Holland jān Douluul eo an Joñoulruo Rijilōk ro ekar ba. “Etal ippān ro rej aikuj. Jab l̄omṁak ta jipañ eo kom̄ij kar aikuj in kōṁṁane ak anōñ likl̄ok ṁaantak. Eḷañne jeje ḷoor pedped ko ṁoktata me kar katakin kōj, pād wōt ippān kii ko an priesthood, im pukōt Jetōb Kwojarjar eo n̄an tōl kōj, jeban maroñ likjab.”<sup>5</sup>

**Ta Wāween eo Em̄ṁantata n̄an ḷoor juon Im̄we?**

- **ṁōkaj.** Sister Susan Bednar (kōrā eo pāleen Elder David A. Bednar jān Douluul eo an Joñoulruo Rijilōk ro) ej juon waanjoñok eo em̄ṁan ilo ḷoor im̄we ko. Ālkin an kar jar “an bōk mej ko an jetōb n̄an lo armej ro elōn aer aikuj,” ekar reitoreitak ilo ṁōn jar eo im eiten aolep ien “eñjaake juon eñjaake in jetōb emera n̄an loḷok im kōṁṁane juon kōḷl̄ n̄an juon armej,” Elder Bednar ekar ba. “Im ke Sister Bednar ej bōk juon eñjaake, ej ṁōkaj kōṁṁane im pokake. Ekkā an wāween eo in ilo tōre en ‘amen’ eo ej ṁōj ba ilo jar eo, enaaj jino ekōnono ippān juon jodikdik ak atabakuj juon sister ak, ilo tore en ej topar ṁweo ej kotak talboon eo im kōṁṁane juon kūr.”<sup>6</sup>
- **Peran.** Mijak kōn kaarmejeje im eñjaake in ejokōk, eñjaake ko kōn jabwe in jeḷā, ak juon eo ebōd emaron̄ bōbraeik kōj jān ḷoor im̄we eo n̄an kwaḷok. “Ilo im

wāween ko, jeje eñjake ejjeḷok jeḷā, jab meḷeḷe, im bōlen jab wānōk,” Elder Gerrit W. Gong jān Douluul eo an Joñoulruo Rijilōk ro ekar ba. “Kiiō ilo tiljek in kijejeto ko ad n̄an iakwe Anij im n̄an jerbāl in karejar n̄an ro itūrid, jenaaj eñjake iakwe eo an Anij im aikuj ikdeleel n̄an mour ko aer ilo wāween ko rekāal im ekwojarjar.”<sup>7</sup>

Juon brother ekar kwaḷok wāween an kar mijak in loḷok em̄ṁaan eo im kōrā eo ippān ro raar kajjijeon̄ bōk mour ko aer make. Āliktata, ekar kajjitōk ippān ḷeo pāleen n̄an juon iien ṁōñā in rālep ippān. “Ke ikar ba, “Lio pāleem ekar kajjijeon̄ ṁane e make. Āinwōt ej juon inepata n̄an eok. Kwōj kōṅaan ke kōṅnaan kake? ekar kwaḷok an jañ,” brother eo ekar ba. “Ekar juon bwebwenato eo epen im bwil im kar kalek juon kepaak im lōke ilo jejejo minit ko.”<sup>8</sup>

**WAANJOÑAK EO AN RILQMQQR EO**

Rilqmqqr eo ekar pojak n̄an jerbāl in karejar eo An. “Anij ekar kapit Jisōs ri Nazaret kōn Jetōb Kwojarjar eo,” im Kraist “ej etetal im kōṁanṁan em̄ṁan” (Jerbāl 10:38). Ekar “obrak kōn Jetōb Kwojarjar” im kar emakijikij an “bōk tōl jen Jetōb” (Luk 4:1). Emool Kraist ekar kōṁṁani men ko remṁan ṁokta jen an kar ekkapit kōn Jetōb Kwojarjar, bōtaab bōk Jetōb Kwojarjar eo im bōk jim̄we eo n̄an im̄we kar juon ṁōttan eo aurōk ilo Jerbāl eo An—āinwōt an aurōk n̄an ijo koṅaad.

**JUON KŪR N̄AN JERBAL**

Ilo aṁ etal ilo jerbāl in karejar ko aṁ kajjojo raan, ṁool ilo kappukot im uaak n̄an im̄we ko an Jetōb Kwojarjar. Keemejmej bwe Jemedwōj Ilañ enaaj kōjeramṁan kwe im ro kwonaaj kōṁṁan jerbāl in karejar n̄an er ilo aṁ kōṁṁane!

**KAKEEMEMEJ KO**

1. Bonnie H. Cordon, “Erom̄ juon Seperd,” *Liaona*, Nob. 2018, 76
2. Bible Dictionary, “Jar.”
3. Bonnie H. Cordon, “Erom̄ juon Seperd,” 76.
4. Dallin H. Oaks, “Ilo Iien Eo An Make, ilo Wāwein Eo An Make,” *Liaona*, Okj. 2013, 24.
5. Jeffrey R. Holland, “Jerbāl in Karejar in Kajim̄we,” *Liaona*, Nōb. 2018, 77.
6. David A. Bedner, “ṁōkaj n̄an Jeḷā,” *Liaona*, Tij.2006, 17.
7. Gerrit W. Gong, “AD Kijeek in Tōmak,” *Liaona*, Nōb. 2018, 42.
8. Lale Bonnie H. Cordon, “Erom̄ juon Seperd,” 76.